



MALO O SAMOA



Samoa
Law Reform Commission

Komisi o le Toefuataiga o Tulafono a Samoa



LIPOTI
FAALETAUSAGA

Iulai 2012 – iuni 2013



MALO O SAMOA

Afioga i le Fofoga Fetalai

Fono Aoao Faitulafono a Samoa

E tusa ai ma le vaega 9 (2) o le Tulafono a le Komisi o le Toefuataiga o Tulafono a Samoa 2008, ou te tuuina atu ai i luma o lau Afioga kopi o le Lipoti Faaletausaga lona fa lenei a le Komisi o le Toefuataiga o Tulafono a Samoa mai ia Iulai 2012 ia Iuni 2013 mo le tuuina atu i luma o le laulau a fono a le Palemene mo le isi ana tauaofiaga o le a sosoo ai mo le lauliliuina e sui usufono i ana felafolafoaiga masani. O lenei lipoti o lo o faamatalaina ai galuega ua maea faatino a le Komisi i totonu o le piriota lenei, e tusa ai ma lana Tulafono.

Hon. Tuilaepa Fatialofa Lupesoliai Aiono Neioti Dr. Sailele Malielegaoi

PALEMIA/MINISITA O LE KOMISI O LE TOEFUATAIGA O TULAFONO A SAMOA



MALO O SAMOA

Afioga Tuilaepa Fatialofa Lupesoliai Aiono Neioti Dr. Sailele Malielegaoi

PALEMIA MA LE MINISITA E NAFA MA LE KOMISI O LE TOEFUATAIGA O TULAFONO A SAMOA

E tusa ai ma le vaega 9 (2) o le Tulafono a le Komisi o le Toefuataiga o Tulafono a Samoa 2008, e ia te au le agaga fiafia ou te tuuina atu ai i lau Afioga kopi o le Lipoti Faaletausaga lona fa lenei a le Komisi o le Toefuataiga o Tulafono a Samoa mai ia Iulai 2012 ia Iuni 2013 mo le tuuina atu i luma o le Fono Aoaofaitulafono a Samoa. O lenei lipoti o lo o faamatalaina ai galuega ua maea faatino e le Komisi i totonu o le piriota lenei, e tusa ai ma lana Tulafono.

(Leota Theresa Potoi)

PULE FAATONU

KOMISI O LE TOEFUATAIGA O TULAFONO A SAMOA

| | |
|---|----|
| <i>UPU TOMUA</i> | 4 |
| <i>FAAMATALAGA A LE PULE FAATONU</i> | 5 |
| <i>E FAATATAU I LE KOMISI</i> | 7 |
| FAAVAEINA | 7 |
| MALOSIAGA | 7 |
| MATAFAIOI TAUAVE | 7 |
| KOMITI FAATONU FAUFAUTUA | 8 |
| <i>AUIVI O LE KOMISI</i> | 9 |
| AUFAIGALUEGA A LE KOMISI..... | 10 |
| VAEGA O AUAUNAGA FAALOIA | 10 |
| VAEGA O AUAUNAGA LAUTELE | 10 |
| <i>FAAGASOLOGA O LE GALUEGA MO TULAFONO TOEFUATAI</i> | 11 |
| FAASINOMAGA | 11 |
| ULUAI FAATALATALANOAGA..... | 11 |
| PEPA O FAAMATALAGA..... | 11 |
| FAATALATALANOAGA FAALAUATELE | 12 |
| LIPOTI FAAIU | 12 |
| TALANOAINA O LIPOTI FAAIU E LE PALEMENE..... | 13 |
| LIPOTI FAAIU UA TUUINA MO LE TALANOAINA E LE PALEMENE | 15 |
| LIPOTI FAAIU UA MA'EA | 15 |
| LIPOTI FAAIU O LOO FAAGASOLO | 16 |
| PEPA O FAAMATALAGA | 16 |
| FAUTUAGA I TULAFONO TAU-FAAOFI..... | 17 |
| <i>TALA AUTU O LE TUPE</i> | 18 |
| Tupe Faamaonia Faatatau i le Tausaga Faaletupe 2012-2013..... | 18 |
| Tupe Faaaluina mo le Tausaga Faaletupe 12/13 | 18 |
| <i>SOOTAGA MA LE VA I FAFO</i> | 19 |
| FOLASAGA..... | 19 |
| POLOKALAME MO LE ATINAEINA O LE AUFAIGALUEGA..... | 20 |
| TAGATA GALULUE OFO FUA | 22 |
| <i>LISI O FAASINOMAGA E OO ATU IA IUNI 2013</i> | 23 |
| LIPOTI FAAIU UA TUUINA ATU I LE PALEMENE..... | 23 |
| LIPOTI FAAIU UA MA'EA | 23 |
| LIPOTI FAAIU O LOO FAAGASOLO | 23 |
| PEPA O FAAMATALAGA O LOO FAAGASOLO..... | 23 |
| GALUEGA ILOILO O LOO FAAGASOLO | 23 |

UPU TOMUA



Hon. Tuilaepa Fatialofa Lupesoli'ai Aiono Neioti Dr. Sailele Malielegaoi

PALEMIA MA LE MINISITA E NAFA MA LE KOMISI O LE TOEFUATAIGA O TULAFONO A SAMOA

Ona o au o le Minisita o le Komisi o le Toefuataiga o Tulafono a Samoa, e ia te au le agaga fiafia ou te tuuina atu ai le Lipoti Faaletausaga lona fa lenei o galuega faatino ma sini ua ausia e le Komisi.

I le iloiloaina, toefuatai ma le atinaeina o tulafono a Samoa, sa tuu atoa le malosi o le Komisi e siitia ma ausia ai tulafono sa'o ma faigofie ona faatino. E faatino lea tulaga i le agaga e uunaia ai tu ma aganuu a Samoa, fa'amālosia ai le tūlaga i le vafealoaloai, aganuu, tamaoaiga ma le atinae o pisinisi a Samoa, ma ia mautinoa le tuulata mai i faiga faanonapo nei o tulafono a Samoa e fai ai lona sao i vaega o lo o ave iai le faamuamua a le Malo faapea ai ma le ausia o manaoga o le atunuu.

O le faagasologa o le toefuataiga o tulafono ia mautinoa o tulafono e tuuina atu i le Komisi mo le iloiloaina e matua faia lelei iai sailiiliga ma ia faatalatalanoa le mamalu o le atunuu ina ia mafai ona maua le avanoa o le atunuu e faaleo ai o latou lagona ma popolega. E faalauiloa e le Komisi faatalatalanoaga e ala i ana pepa o faamatalaga faatalanoaina ma valaaulia ai folasaga mai le atunuu ao lei faia fautuaga mo le toefuataiga o tulafono. Ou te faamalosia le mamalu o le atunuu e ave lo latou naunau i le galuega a le Komisi ma auai i faatalatalanoaga e faia e le Komisi e faaleo ai o latou manatu ma lagona.

E ave foi le faamalo i le sa avea ma Pule Faatonu ma le aufaigaluega a le Komisi mo galuega lelei ma sini ua ausia i le Lipoti Faaletausaga lona fa lenei. Ou te fiafia e tuuina atu le Lipoti Faaletausaga lona fa a le Komisi.

Hon. Tuilaepa Fatialofa Lupesoli'ai Aiono Neioti Dr. Sailele Malielegaoi

PALEMIA/MINISITA O LE KOMISI O LE TOEFUATAIGA O TULAFONO A SAMOA

FAAMATALAGA A LE PULE FAATONU

O le piriota lea o Iulai 2012 ia Iuni 2013 o vaitaimi o Iuitau ma lelei ia mo le Komisi ao punouai ai ina ia ausia tulafono sao ma faigofie faatino e tusa ai ma ona malosiaga o lo o aiaia i lalo o le Tulafono a le Komisi o le Toefuataiga o Tulafono a Samoa 2008. Ua olaola le Komisi talu ona faavae mai i le 2008 ma ua 14 le afaigaluega e galulue e tali atu i le faaaauai ai o le faateleina o galuega. E avea lenei avanoa e faaleo ai le agaga faafetai i le Komisi o Galuega a le Malo mo le faamaonia o nisi o avanoa fou se 2 mo le ofisa o le Komisi i totonu o lenei piriota.

O vaega autu o le piriota lea o Iulai 2012 ia Iuni 2013 e aofia ai ni Lipoti Faaiu se 2 na mafai ona tuuina atu i le Ofisa o le Fono mo le talanoaina e le Palemene. O nei lipoti e aofia ai le Lipoti Faaiu i le iloiloaina o le Tulafono o Nuu 1990 ma le iloiloaina o le Tulafono o Komisi Suesue 1964.

O Lipoti Faaiu mo poloketi autu e fa a le Komisi sa faamaonia e le Kapeneta poo le talia foi o se faaiuga a le Kapeneta. O nei lipoti e faatatau i le iloiloaina o le Tulafono Faatonutonu a le Afaasalalau; o le iloiloaina o le Tulafono a le Faamasinoga Faaitumalo 1969; o le iloiloaina o le avanoa ma le talafeagai o le iai o se Komiti mo Faasinomaga Faaleatunuu a Samoa; ma le iloiloaina o le vaia lelei ma le puipua o tamaiti e pei ona iai noataga o Samoa i lalo o le Feagaiga a Malo Afaatasi i Aia Tatau a le Tamaitiiti.

I le piriota lava lea, e lua ni faasinomaga na taulimaina e le Komisi mai le Loia Sili. O le galuega muamua e faatatau i le tulaga pe talafeagai ona fai se Resitala mo i latou e faamaonia le solitulafono i faiga-aiga i totonu o Samoa, ma pe faamata e avea lea Resitala ma fesoasoani e faaitiitia ai le toe faia e i latou ua molia i lea lava solitulafono. O le galuega lona lua o le toefuatai o le Tulafono o Ava Malosi e toe silasila ai ma talosagaina le toefuatai o le tulafono e faatatau i le faatauina ma le taumafaina o le ava malosi i totonu o Samoa, i le naunautaiga e faaitiitia ai tulaga lamatia e mafua mai ona o le soona tagofia o le ava malosi.

Na matou mauaina le fesoasoani mai ia matou paaga i atunuu mamao e aofia ai le Komisi o le Toefuataiga o Tulafono a Niu Sila, le Komisi o le Toefuataiga o Tulafono a Ausetalia, Le Faalapotopotoga o Tulafono a Peretania ma Columbia, le Faalapotopotoga o le Toefuataiga o Tulafono a Alberta faapea ma le Ofisa o le Loia Sili i Canberra. E fia faaleo foi le agaga faafetai i a matou paaga mai fafo mo le latou lagolago ma le agāga fesoasoani mai aemaise o le latou taimi.

Ou te faafetaia foi le Taitaifono o le Komiti Faufautua ma sui mamalu o le Komiti mo le lagolago faifaiepea ma le sao taua i galuega a le Komisi. E fia faafetaia foi le Lala o Tulafono ma le Amiotonu ona o nisi o alagatupe sa mafai ona maua mai e faatupe ai nisi o a matou poloketi.

Mo le afaigaluega a le Komisi, malo le galulue. E ui i le tele o luitau na feagai ma le Komisi aemaise lava i le utiuti o punaoa, sa mafai lava ona ausia le tatou manulauti i le galulue fiafia ma le le faalogologo tiga, ma lo tatou tausisi pea i le tatou faasinomaga o le iloilo, toefuatai ma atinae tulafono a Samoa, faalauiloa o tulafono manino, le faaituau ma lelei atoatoa.

(Leota Theresa Potoi)

PULE FAATONU

E FAATATAU I LE KOMISI

FAAVAEINA

Sa faatuina le Komisi o le Toefuataiga o Tulafono a Samoa e ala i le Tulafono a le Komisi o le Toefuataiga o Tulafono a Samoa 2008 (le Tulafono) o se itutino tumaoti e faatautaia le iloiloina, toefuatai ma le atinaeina o tulafono i totonu o Samoa.

MALOSIAGA

E tusa ai ma le Vaega 4 o le Tulafono a le Komisi o le Toefuataiga o Tulafono, o lo o aiaia ai le Komisi i ona fa'asinomaga e faafaigofie le iloiloina, toefuatai ma atinae tulafono a Samoa ina ia:

- uunaia ai tu ma againuu a Samoa;
- fa'amālosia le tūlaga i le vafealoaloi, aganuu, tamaoaiga ma le atinaeina o pisinisi a Samoa; ma ia
- Mautinoa le faatulaga o tulafono a Samoa i faiga faaonaponei e ausia ai manaoga o le Malo ma le atunuu.

MATAFAIOI TAUAVE

O matafaioi tauave a le Komisi e pei ona faataatia mai i le vaega 6 o le Tulafono e aofia ai:

- Le fautuaina o le Loia Sili i polokalame mo le toefuataiga o tulafono a Samoa;
- Ina ia tusa ai ma fa'asinomaga ua fāiā iai e le Pālemia, Kapeneta poo le Loia Sili (pe i luga o se fautuaga a le Komisi poo se isi tūlaga e ese mai ai), ina ia suesue ma sailiili auiliili i vāega uma o le tulafono e ono moomia le toefuatai ma lipoti atu ana fautuaga mo le toefuataiga i le Alii Palemia ma le Loia Sili;
- la fautuaina Matagaluega a le Malo ma Lala Sooupu i faiga poo matā'upu o le toe iloiloga o le tulāfono o loo tau'aveina e ia Matāgaluega ma Lala Sooupu; ma
- la faatalanoa ma logoina le atunuu lautele (ma soo se vāega maoti o le vāega o tagata lautele) e tusa ai ma ana galuega.

I le faatinoina ai o ana matāfaioi tauave, o lo o galulue punouai lava le Komisi e mulimulitaia faiga faavae ma tuutuuga a le Malo e pei ona faataatia mai i ana Lala Sooupu, e pei o le Komisi o Galuega a le Malo, Matagaluega o Tupe ma le Ofisa o le Pule ma Suetusi Sili, faapea ai ma faiga faavae i totonu lava o le Ofisa o le Komisi.

KOMITI FAATONU FAUFAUTUA

O le Komisi o loo fesoasoani iai le Komiti Faatonu Faufautua ma e faafa ona fono lea Komiti i le tausaga. O le Komiti Faatonu Faufautua e 14 ona sui, lea e aofia ai sui e toafa e filifilia mai e le Ao o le Malo i luga o le fautuaga a le Alii Palemia (i le maea ai o le faatalanoaga ma le Minisita o lo o nafa ma le atinaeina o le atunuu).


O sui o le Komiti o lo o faataatia mai i le Tulafono ua lisi atu i lalo:

1. Loia Sili (Taitaifono);
2. Ofisa Sili o Pulega o le Matagaluega ma le Palemia ma le Kapeneta;
3. Ofisa Sili o Pulega o le Matagaluega o Faamasinoga ma le Faafoeina o Auaunaga tau le Faamasinoga;
4. Ofisa Sili o Pulega o le Matagaluega o Tupe;
5. Ofisa Sili o Pulega o le Matagaluega o Tina ma Tamaitai, Atinae o Nuū ma Afioaga ma Aga Fesootai;
6. Komesina o Leoleo;
7. Peresetene o le Sosaiete a Loia poo se sui filifilia;
8. Peresetene o le Faalapotopotoga a le Aupaipisinisi a Samoa poo se sui filifilia;
9. Peresetene o Ekalesia Soofaatasi poo se sui filifilia;
10. Peresetene o le Asosi a Tagata Faigaluega a le Malo poo se sui filifilia;

Sui o le Komiti Faatonu Faufautua e filifilia mai e le Ao o le Malo:

11. Peresetene o Faalapotopotoga Tumaoti e i lalo o le Faamalu o Faalapotopotoga e le o ni fa'alāpotopotoga a le Malo (SUNGO);
12. Peresetene o le Asosi a Fomai;
13. Matai mai Upolu; ma le
14. Matai mai Savaii.

AUIVI O LE KOMISI



AUFAIGALUEGA A LE KOMISI

O le afaigaluega a le Komisi e aofia ai le Pule Faatonu ma le afaigaluega e 13. O le Pule Faatonu o le faaululuga lea o le pulega a le Komisi e na te vaaia ma faatonutonu ana galuega fai. O le Sui Pule Faatonu, Pule o Auaunaga Lautele ma le Ofisa Sinia Mauauga i le Vaaia o Poloketi e lipoti sao i le Pule Faatonu. O le isi afaigaluega ua vaeveaina i le Vaega o Auaunaga Faaloia ma le Vaega o Auaunaga Lautele.

VAEGA O AUAUNAGA FAALOIA

E toa 7 le afaigaluega i le Vaega o auaunaga Faaloia. E aofia ai le Sui Faatonu Sili, 2 Loia Sinia Mauauga, 2 Loia Sinia ma Loia e toa 2. O le Vaega o Auaunaga Faaloia e nafa ma le:

- Faatinoia o suesuega ma le auiliiliina o mataupu e tuuina atu i le Komisi mo le iloiloia;
- Tuuina atu fautuaga faaletulafono i Matagaluega a le Malo e faatatau i ni tulafono e fia iloiloia;
- Faatulagaina o faatalanoaga i le va o le Malo ma le atunuu i mataupu tau tulafono toefuatai; ma
- Tusia lipoti e aofia ai ma fautuaga mo le toefuataiga o tulafono;

O lipoti uma e tataua ona talanoaina e le Palemene, ma e fesoasoani foi le Vaega o Auaunaga Faaloia i le faaliliuina o lipoti i le gagana Samoa faapea le siakiina o ia lipoti. A tusia se Tulafono Taufaaofi ina ia atagia ai fautuaga o le lipoti mo le toefuataiga o se tulafono, e nafa la le Vaega o Auaunaga Faaloia ma le tuuina atu o faatonuga mo le tusiaina o lea tulafono tau faaofi i le Lōia Tusitulafono, ma iloilo le Tulafono Taufaaofi ina ia mautinoa e atagia le sa’o atoatoa o faiga faavae fautuaina i totonu o le Tulafono Taufaaofi.

VAEGA O AUAUNAGA LAUTELE

O le Vaega o Auaunaga Lautele (Auaunaga Lautele) e tuuina atu le lagolago mo auaunaga lautele i le Vaega o Auaunaga Faaloia a le Komisi. E nafa foi le Vaega o Auaunaga Lautele ma le faatautaia o auaunaga e aofia ai le Tala o le Tupe a le Komisi, Punaoa o Tagata Faigaluega, faamatalaga faatekonolosi, auaunaga tau potu tusi, auaunaga faafailautusi ma galuega tau faafoega lautele. O lenei Vaega e aofia ai le afaigaluega e toa 5, e taitaia e le Pule o Auaunaga Lautele, lea e lagolagosua iai le Ofisa Sinia Mauauga o Vaega o Tupe ma Punaoa o Tagata Faigaluega, Failautusi Sinia, Tausi Tusi Sinia ma le Ofisa Lagolago. E fesoasoani foi le Vaega o Auaunaga Lautele i le faaliliuina o lipoti i le gagana Samoa faapea ai ma le siakina o lipoti.

FAAGASOLOGA O LE GALUEGA MO TULAFONO TOEFUATAI

FAASINOMAGA

O le fa'asinomaga o galuega a le Komisi e tuuina mai e le Afioga i le Ali'i Palemia, le Kapeneta poo le Loia Sili. O ia galuega e omai faatasi ma le:

1. Tuutuuga o Galuega Faatino (TOR) e tuuina mai e le Loia Sili; poo se
2. Faaiuga a le Kapeneta (FK) o lo o faataatia mai ai le ata o le tulafono e toefuatai;

ULUAI FAATALATALANOAGA

I le taulimaina ai e le Komisi o se faasinomaga, e muamua faia ana sailiiliga ma faatalatalanoaga e fausia ai se Pepa o Faamatalaga.

O uluai faatalatalanoaga e faia ma a matou paaga e faatino ina ia iloa ai le ata ma fuafua ai mataupu autu poo faafitauli e aafia ai le toefuataiga o sea tulafono ma le faafoeina o lea tulafono o loo iloiloaina. O se avanoa taua foi lea e ao mai ai faamatalaga ma faufau ai le malamalamaaga atili i mataupu.

O lea faiga ua faatuina ai se Komiti Galulue oi latou e iai le poto masani ma le agavaa (e taitaia e le Komisi) i vaega talafeagai o lo o iloiloaina. O nei Komiti e aofia ai sui mai Matagaluega talafeagai a le Malo ma a matou pā'aga i fafo atu ma le Malo.

E taua tele le galuega faatino a nei Komiti i le amataga o le iloiloga e ala i le faa ata mai poo le faailoa mai o mataupu e tulai mai i le faatinoga o le iloiloga. O lea iloiloga e masani lava ona fausia ai fesili e faatulai mai i se Pepa o Faamatalaga. O ia Komiti Galulue e latou te tuuina mai na o taiala, ae le gata ai ina le galuega a le Komisi i mataupu e faatulai mai e Komiti Galulue, poo le iai foi o se faiga e sailia ai e le Komisi se faamaoniga o fautuaga poo lipoti mai ia Komiti.

PEPA O FAAMATALAGA

O le auga tonu o se Pepa o Faamatalaga (o nisi taimi e faasino o se Pepa o Talanoaga) o le faataatia mai ai lea o faamatalaga uma e faatatau i le iloiloga ma faafaigofie ai le faatinoina o faatalatalanoaga ma paaga ma le mamalu o le atunuu filifiliga fai poo manatu faaalua mo tulafono toefuatai.

O faatalatalanoaga e mafai ona faatino i nisi o faiga ma e mafai foi ona faatino i vaega eseese i iloiloga taitasi. I le tulaga lata mai o le faagasologa o galuega mo tulafono toefuatai, e faifai pea lava le faatinoina o faatalatalanoaga e tagata taitoatasi (faatalanoaga taitoatasi), poo paaga autu ina ia fesoasoani mai i le faailoaina o mataupu autu.

O faatalatalanoaga taitoatasi o lo o tagai ai ia maua tagata o lo o iai le tomai ma agavaa ma le poto masani i vaega tonu o lo o agai iai le iloiloga po o i latou foi o lo o iai le naunau ma le fiafia i le poloketi, ina ia mafai ai ona tuuina mai o latou finagalo ma manatu i vaega tonu o lo o iloiloa e le Komisi. O nei tagata taitoatasi e faasino lea mo se faataitaiga oi latou ua malolo litaea ua tele le malamalama i itu tau aoaoga, tamaiti aoga, matai, o sui mai Ekalesia, poo soo se tasi lava e loloto le malamalama i se mataupu o loo faatautaia e le Komisi. O nei faatalatalanoaga e faatautaia lea a le o le talanoa faafesagai i le faasoaina mai o manatu, o luga o le telefoni poo le lafo mai foi i le imeli.

O faatalatalanoaga ma paaga ua fitoitonu iai se iloiloga e tapue mai lea i le fausia ai o se Vaega Galulue (e pei ona taua i luga), komiti galulue poo se komiti faufautua, e faatuina ma taitaia e le Komisi. O le naunautaiga mo le auai o nei paaga i faatalatalanoaga e fausia ai se sootaga vavalalata ma mafai ona fai paaga ai ma le Komisi mo le lumanai.

O le Komiti Faufautua a le Komisi e faatalatalanoa foi mo ni sao ma manatu e faatatau i ni mataupu ua laga e le Komisi i totonu o se Pepa o Faamatalaga faataitai ao lei manatu le Komisi ua tataua ona tuuina mo se faamaoniga. E filifili loa le Komisi ua atoatoa lenei Pepa o Faamatalaga, ona faatoa tuuina atu loa lea mo se faamaoniga a le Alii Palemia, mulimuli ane ai se faamaoniga a le Kapeneta.

FAATALATALANOAGA FAALAUATELE

O le Pepa o Faamatalaga e tufatufaina atu i le mamalu o le atunuu pe a ma'ea ona faamaonia e le Kapeneta. E logoina le mamalu o le atunuu ma faailoa atu iai se iloiloga e feagai ma le Komisi pe afai ua manaomia o latou sao ma manatu. O nei faalauiloga e auala atu lea i faasalalauga i le nusipepa, televise poo faatalanoaga i luga o le alaleo o le leitia.

O sao ma manatu faaalua o le mamalu o le atunuu e manaomia e le Komisi pe afai ua iai se mataupu ma ni faafitauli ua iloiloa e aafia ai le mamalu lautele. I lea tulaga o le a mafai ai e le mamalu o le atunuu ona maua se avanoa e faatalanoa ai nei mataupu ma tuuina mai ai manatu faaalua, ma e taliaina e le Komisi mo ana suesuega. O nei manatu faaalua e mafai ona tuuina mai ua maea ona tusitusia poo le tuufofoga foi, ma e faamauina ma tuufaatasia e le Komisi ina ia fesoasoani i le fausiaina o ana fautuaga e tuuina atu i ana lipoti mulimuli mo se faamaoniga a le Kapeneta.

LIPOTI FAAIU


O le Lipoti Faaiu o le laasaga mulimuli lea o le faagasologa o galuega toe fuatai a le Komisi. O lenei laasaga e faasino tonu lea i suesuega a le Komisi ma ana fautuaga ina ia atagia mai ai ana suesuega tutoatasi, faatalanoaga ma manatu tuuina mai (e pei ona taua i luga).

E tapa finagalo o le Komiti Faufautua i se Ripoti Faaiu faataitai a le Komisi ao lei faamaonia. O leni Lipoti Faaiu e tuuina atu i le Alii Palemia, Loia Sili ma le Kapeneta mo se faamaoniga. E tuu lava i le faitalia a le Malo pe latou te talia pe faatino foi fautuaga ua tuuina atu i totonu o le lipoti faaiu.

TALANOAINA O LIPOTI FAAIU E LE PALEMENE

E iai le manaomiaga mo le Alii Palemia e na te tuuina atu ai se kopi o le Lipoti Faaiu mo le talanoaina e le Palemene i se taimi vave talafeagai pe a maea ona ia mauaina leni lipoti.

Ao lei tuuina atu se Lipoti Faaiu e talanoaina e le Palemene, e tatau ona faaliliu i le gagana Samoa. O leni laasaga faaiu i le faagasologa o galuega toe fuatai a le Komisi e fai lava sina umi o le taimi e faatalia ai ma e ono faatuai ma toe faaopoopo ai se taimi e faamaea ai sea iloilogaga, ona e fai lava sina faa-faigata o lea tulaga i le taumafai lea ia manino ma talafeagai lelei le faaliliuina ina ia ausia le uiga tonu o le lipoti.



* E fesoasoani le Komiti Faufautua i le Komisi

ATINAE AUTU UA AUSIA

Ua tuuina atu i lalo nisi o atinae autu ua ausia e le Komisi mo lenei Tausaga Faaletupe Iulai 2012 – Iuni 2013.

LIPOTI FAAIU UA TUUINA MO LE TALANOAINA E LE PALEMENE

| FAASINOMAGA | FAAMATALAGA | TULAGA UA IAI NEI |
|---|--|---|
| 1. Tulafono o Fono a Nuu 1990 | Sa tuuina mai e le Kapeneta se faasinomaga ina ia tagatagai le Komisi i le faafitauli o le saolotoga o tapuaiga, ma ia vaavaai ini auala e toe iloilo ai le Tulafono o Fono a Nuu 1990 ina ia mafai ona faalauiloa ma toe atia'e ai le nofo filemu i totonu o nuu ma afioaga. O lenei faasinomaga sa faatautaia ai loa e le Komisi lana iloiloga aoaotetele i le Tulafono o Fono a Nuu. Sa fesoasoani mai le Matagaluga o Tina ma Tamaitai, Atinae o Nuu ma Agafesootai faatasi ai ma nisi o paaga mai le Lala o le Tulafono ma le Amiotonu a Samoa. | Tuuina atu le Lipoti Faaiu mo le talanoaina e le Palemene i le aso 22/03/13 |
| 2. Tulafono o Komisi Suesue 1964 | O le iloiloga o le Tulafono o Komisi Suesue 1964 e faasino tonu lea i le toe atina'eina ma le faaleleia o tulafono o loo pulea ai soo se ituaiga Komisi Suesue e faatuina i totonu o Samoa. O lenei lipoti e aofia ai le tofiaina o sui o se Komisi Suesue, o a latou malosiaga, o le manulauti o a latou suesuega, ma i latou e faataga ona tulai i luma o le Komisi Suesue faapea ma le faagasologa o le faalauiloaina ose faaiuga oa latou suesuega. | Tuuina atu le Lipoti Faaiu mo le talanoaina e le Palemene i le aso 25/03/13 |

LIPOTI FAAIU UA MA'EA

| FAASINOMAGA | FAAMATALAGA | TULAGA UA IAI NEI |
|---|--|--|
| 3. Komiti mo Faasinomaga Faaleatunuu | Ia Fepuari 2012, sa tuuina mai ai e le Alii Palemia ma le Loia Sili i le Komisi se talosaga ina ia suesue pe talafeagai le fausuaina o se Komiti e nafa ma le puipuia le tele o faasinomaga faaleatunuu a Samoa. O le pepa o galuga sa tuuina mai i le Komisi e manaomia ai le vaavaai ma suesue i le faatinoga ma le faatuina o komiti mo faasinomaga faaleatunuu a atunuu tala tutusa. | Faamaonia e le Kapeneta le Lipoti Faaiu i le aso 01/05/13. |
| 4. Tulafono mo | Ia Novema 2008, sa talosagaina ai le Komisi ina ia | Faamaonia e le |

| | | |
|---|---|---|
| le malu puipuia o Alo ma Fanau | toe iloilo tulafono e faatatau i le puipuia o alo ma fanau, e faasino lea i le matafaioi a Samoa i lalo o le Feagaiga mo Aia a Fanau. O lenei lipoti e faasino tonu lea i le Faavae o le Malo o Samoa, Tulafono o Tamaiti 1961 ma le Tulafono o Tupulaga Solitulafono 2007. | Kapeneta le Lipoti Faaiu i le aso 17/04/13. O le laasaga e sosoo ai o le tuuina atu mo le talanoaina e le Palemene. |
| 5. Tulafono e faatonutonu ai Galuega a le Aufaasalalau | la Novema 2011 sa tuuina mai ai se faasinomaga i le Loia Sili ina ia suesue ma iloilo le manaoga mo se Komiti faale-tulafono e faatonutonu galuega a le Aufaasalalau, ma tuuina atu ni fautuaga mo le fausiaina o sea Komiti Faaletulafono. | Faamaonia e le Kapeneta le Lipoti Faaiu i le aso 25/07/12. O le laasaga e sosoo ai o le tuuina atu mo le talanoaina e le Palemene. |

LIPOTI FAAIU O LOO FAAGASOLO

| REFERENCE | DETAILS | STATUS |
|--|--|--|
| 6. Ililoga o le Tulafono o Faamasinoga Faaitemalo 1969 | la Novema 2008, sa tuuina mai ai e le Kapeneta le manaoga ina ia toe iloilo ma toe fuatai le Tulafono o Faamasinoga Faaitemalo 1969. O lenei iloiloga o se vaega o le iloiloga aoatetele a le Komisi i tulafono o loo limataitaia ai galuega a Faamasinoga i totonu o Samoa. | Maea faatalanoaga Faalauaitetele ia Setema 2012. O le isi laasaga o le tuuina atu mo se faamaoniga a le Kapeneta. |
| 7. Puipuiga o Tomai Faaleaganuu ma le Faaaliga o Tu ma Aganuu | la Novema, na tuuina mai ai ele Loia Sili se faasinomaga i le Komisi ina ia toe iloilo le puipuiga mo Tomai Faaleaganuu ma le Faaaliga o Tu ma Aganuu (ma vaavaai i pulega ma auala o loo faaoga e isi atunuu tala tutusa), ma ia vaavaai poo le a se faatinoga talafeagai mo Samoa. | Maea faatalanoaga Faalauaitetele ia Tesema 2012. O loo faatautaia isi suesuega faaopoopo mo ni fautuaga talafeagai e tuuina atu mo se faamaoniga. |

PEPA O FAAMTALAGA

| FAASINOMAGA | FAAMATALAGA | TULAGA UA IAI NEI |
|---|--|---|
| 8. Resitala mo le Au Solitulafono i Faiga Aiga | la Fepuari 2013, sa tuuina mai ai e le Loia Sili se faasinomaga i le Komisi ina ia suesue pe faamata e talafeagai le iai o se resitala e faamauina ai le au solitulafono i faiga aiga a Samoa, ma pe faamata e ono faaititia ai le toe solitulafono oi latou na molia muamua i lea soligatulafono. | Faamaonia e le Kapeneta le Pepa o Faamatalaga ia Aperila 2013. O le isi laasaga o faatalanoaga |

| | | faalauaitele. |
|---|---|--|
| <p>9. Tulafono Faatonutonu tau Faamasinoga (Tulafono Faaitumalo 1971 & Tulafono o Faamasinoga Maualuga 1980)</p> | <p>la Novema 2008, na tuuina mai ai e le Loia Sili ma le Kapeneta se faasinomaga i le Komisi ina ia toe iloilo Tulafono Faatonutonu tau Faamasinoga (Tulafono Faaitumalo 1971 ma le Tulafono o Faamasinoga Maualuga 1980). O leni tuufaatasiga poo le Tulafono Faatonutonu tau Faamasinoga e lei faia iai se iloiloga talu ona pasia ma faaogaina mo le silia a tolusefulu i le fasefulu tausaga talu ai.</p> | <p>Tuuina atu le Pepa o Faamatalaga numera 1 mo le silafia e le Kapeneta i le aso 03/05/12 O loo faagasolo le Pepa o Faamatalaga numera 2.</p> |
| <p>10. Iloiloga o Ava Malosi</p> | <p>la Mati 2013, na tuuina mai ai se faasinomaga i le Loia Sili ina ia vaavaai ini iloiloga talafeagai e faasino i le faatauina atu ma le taumafaina o le ava, ma le faamoemoe ina ia mafai ona faaitiitia ai faafitauli o loo afua mai i le ava malosi i totonu o Samoa. O nisi o vaega o leni faasinomaga e aofia ai vaega ua taua i lalo:</p> <ol style="list-style-type: none"> Le gafatia e tulafono o loo iai nei le laiseneina o ava ma le faamallosia e pei ona iai; Lafoga ma ava ma le tau; O le mauaina o ava taugofie; Faatonutonuina o le malosia o loo i totonu o le ava; Faasalalauina; Matafaioi o matua, pulega a nuu ma ekalesia e faasino i le taumafaina e tupulaga o le ava; ma Matua faatapulaa e taumafa ai le ava. | <p>Sa tuuina atu ni pepa fesili mo suesuega i paaga i le aso 17/05/13. O le isi laasaga o le tuufaatasia lea o le Pepa o Faamatalaga</p> |

FAUTUAGA I TULAFONO TAU-FAAOFI

O le isi vaega o galuega faatino a le Komisi e pei ona aiaia i lalo o lana Tulafono o le tuuina atu lea o fautuaga i Matagaluega a le Malo ma lala sooupu ise auala poo se mataupu e aofia ai i toe iloiloga o le tulafono e faafoeina e ia Matagaluega ma lala sooupu. Sa tuuina atu fautuaga talafeagai a le Komisi i nisi o mataupu ua taua i lalo:

- Tulafono Taufaaofi a le Ofisa o le Loia Sili;
- Tulafono Taufaaofi o le Faauigaina o Tulafono 2012;
- Tulafono Taufaaofi a le Komesina o Sulufaiga 2012; ma le
- Tulafono o Iuni Faunetupe 1960.

TALA AUTU O LE TUPE

Tupe Faamaonia Faatatau i le Tausaga Faaletupe 2012-2013

Galuega o loo Faatino e le Matagaluega:

Tupe Faamaonia mo le Tausaga Faaletupe 2012-2013

Suesuega Faaloia ma Fautuaga

| | |
|-------------------------------------|---------------------|
| Tagata | |
| Faigaluega | \$364,499.00 |
| Tupe alu mo le Faagaoioiga | \$43,544.00 |
| Tupe Faavae Galuega Lagolago | \$276,349.00 |
| Aofaiga | \$684,392.00 |

Tupe Faaaluina mo le Tausaga Faaletupe 12/13

| | Piriota 1(Jul 12) | Piriota 2(Auk 12) | Piriota 3 (Set 12) | Piriota 4 (Oket 12) | Piriota 5 (Nov 12) | Piriota 6 (Tes 12) |
|-----------------------------------|-------------------|-------------------|--------------------|---------------------|--------------------|--------------------|
| Vaega Loia : | | | | | | |
| Tagata | | | | | | |
| Faigaluega | \$ 23,393.30 | \$ 23,143.30 | \$ 34,339.95 | \$ 23,993.30 | \$ 14,887.35 | \$ 24,196.52 |
| Tupe alu mo le Faagaoioiga | \$ 2,446.09 | \$ 5,360.00 | \$ 10,928.40 | \$ 2,917.00 | \$ 4,710.00 | \$ 4,550.00 |
| Tupe Faavae | \$ - | \$ - | \$ - | \$ - | \$ - | \$ - |

Vaega o Auaunaga Lautele:

| | | | | | | |
|-----------------------------------|-------------|-------------|--------------|--------------|--------------|--------------|
| Tagata | | | | | | |
| Faigaluega | \$ 7,554.52 | \$ 7,554.52 | \$ 18,126.63 | \$ 18,316.47 | \$ 17,817.46 | \$ 17,863.36 |
| Tupe alu mo le Faagaoioiga | \$ 970.00 | \$ 499.50 | \$ 9,386.40 | \$ 14,368.91 | \$ 1,976.25 | \$ 4,430.67 |
| Tupe Faavae | \$ - | \$ - | \$ - | \$ - | \$ - | \$ - |

| | | | | | | |
|-----------------------|------|-------------|------|---------------|------|-------------|
| Below the Line | \$ - | \$ 1,209.86 | \$ - | \$ 155,966.69 | \$ - | \$ 2,043.51 |
|-----------------------|------|-------------|------|---------------|------|-------------|

| | Piriota 7 (Ianu 13) | Piriota 8 (Fep 13) | Piriota 9 (Mati) | Piriota 10 (Aper 13) | Piriota 11 (Me 13) | Piriota 12 (Iuni 13) |
|---------------------|---------------------|--------------------|------------------|----------------------|--------------------|----------------------|
| Vaega Loia : | | | | | | |
| Tagata | \$ 22,655.52 | \$ 22,655.52 | \$ 36,507.93 | \$ 26,140.41 | \$ 28,526.79 | \$ 29,749.64 |

| | | | | | |
|----------------------------------|-------------|-----------|--------------|-------------|--------------|
| Faigaluega | | | | | |
| Tupe alu mo le Faagoioiga | \$ 4,019.55 | \$ 836.96 | \$ 9,772.40 | \$ 471.74 | \$ 2,923.04 |
| Tupe Faavae | \$ - | \$ - | \$ 14,298.26 | \$ 3,736.53 | \$ - |
| | | | | | \$ 20,447.03 |
| | | | | | \$ 5,434.79 |

Vaega o Auaunaga Lautele:

| | | | | | |
|----------------------------------|--------------|--------------|--------------|--------------|--------------|
| Tagata Faigaluega | \$ 17,817.46 | \$ 17,817.46 | \$ 26,726.19 | \$ 17,000.02 | \$ 19,846.65 |
| Tupe alu mo le Faagaioiga | \$ 865.71 | \$ 5,365.86 | \$ 10,914.73 | \$ 15,231.29 | \$ 3,070.73 |
| Tupe Faavae | \$ - | \$ - | \$ - | \$ - | \$ - |
| | | | | | \$ 13,950.18 |
| | | | | | \$ 7,013.22 |
| | | | | | \$ - |

| | | | | | |
|-----------------------|------|-------------|------|-------------|------|
| Below the Line | \$ - | \$ 1,446.27 | \$ - | \$ 7,098.90 | \$ - |
| | | | | | \$ - |

SOOTAGA MA LE VA I FAFO

O le naunautaiga o le Komisi o le Toefuataiga o Tulafono a Samoa o le auai lea i aoaoga, fonotaga ma faatalanoaga e valaaulia ai ma e faasino tonu ma fesoasoani i galuega o loo feagai ai. E faagaetia e le Komisi le lagolago faifaiepa a ana paaga mai fafo, e aofia ai matagaluega a le Malo, i le tuuina mai lea o le avanoa i le Komisi e faatautaia ai ni folasaga ini faafitauli e faasino tonu lea iloiloga o loo feagai ai. O lea tulaga ua fesoasoani lea e siitia ai le faalauiloaina o le Komisi aemaise le manino ai o le mamalu o le atunuu i ana galuega faatino ua fitoitonu ai.

FOLASAGA

Sa mauaina e le Komisi ni avanoa e faia ai ni folasaga ma faasoa atu ona manatu i nisi o mataupu ma autu eseese. Ua lisiina atu i lalo nisi o fonotaga ma faatalanoaga na auai ai le Komisi, ma maua ai se avanoa e tuuina atu ai ni folasaga:

- O le susuga i le Pule Faatonu o le Komisi, Leilani Tuala-Warren o se tasi o sui o Samoa sa auai atu i Niu Ioka mo le fonotaga lona 52 a le Komiti o le Faamutaina o le Faailoga tagata e faasaga i Tina ma Tamaitai. Sa tofia ai le Susuga ia Leilani e tali atu i fesili ua folasia e le Komiti e faasino i le lipoti a Samoa e faatatau i le Fuaiupu 18 of le Feagaiga mo le Faamutaina o soo se faailoga tagata e faasaga i Tina ma Tamaitai. O lenei fonotaga sa faatautaia lea i Niu Ioka, Malo o Amerika mai le aso 17 – 23 Iulai 2013.
- Sa faia se folasaga a le Pule Faatonu, Susuga Leilani Tuala-Warren i le Fonotaga lona 19 e Faasino i Tapuaiga, Faatemokarasi ma Sosaiete Lautele, lea na usuia i le lunivesite a Brigham Young, Provo, Utah, mai le aso 7 – 10 Oketopa, 2012.

- Sa faia se folasaga a le Pule Faatonu, Leilani Tuala-Warren e faatatau i le “Traditional Law versus Customary Law”, i le Fonotaga a Taitai o le Pasefika lea na usuia i Brisbane, Ausetalia mai le aso 16 – 19 Oketopa 2012.
- O le Susuga ia Leilani Tuala-Warren, Pule Faatonu, sa faia sana folasaga i le Fonotaga a le Tulafono ma le Aganuu, e faatatau i le iloiloga a le Komisi pe faamata e talafeagai le fausia o se Komiti e nafa ma le puipuiga o Faasinomaga Faaleatunuu a Samoa. O lea fonotaga sa usuia i Niu Sila mai le aso 29 – 31 Aukuso 2012.
- Sa auai atu le Tamaitai Loia Sinia, Hai-Yuean Tualima i le Faatalanoaga a le Pasefika e faatatau lea i faiga faavae ma tulafono o loo fai ma pa puipui i le mauaina lea o le HIV SERVICES mo i latou ua maua i lea faamai oti (People Living with HIV) faapea ma se vaega o Tagata nuu ua Aafia. Na faatautaia lea faatalanoaga i Nadi, Fiti ia Aperila 2012.

POLOKALAME MO LE ATINAEINA O LE AUFALGALUEGA

Sa faatuina le Komisi i le 2008 o se vaega o le Ofisa o le Loia Sili ma sa avea ai ose Matagaluega Tutoatasi i le tausaga 2011. Ona o se matagaluega fou leni i totonu o Galuega a le Malo, e taua tele le atinaeina o tomai ma agavaa o lana aufaigaluega. Ua lisiina atu i lalo nisi o polokalame sa auai atu iai le Komisi mo le atinaeina o lana aufaigaluega e pei o aoaoga, o mataupu tau aoaoga ma le auai atu i isi faalapotopotoga e tapue mai ni vaega ma agavaa taua:

Aoaoga i Atunuu i Fafo

1. Sa auai atu le Alii Loia Sinia Mauuluga, Ulupale Fuimaono, e faamasani i galuega feagai ai ma le Komisi o le Toefuataiga o Tulafono a Niu Sila mai le aso 20 – 31 Oketopa 2012. O se tasi lea o vaega o le Polokalame mo le Atinaeina o le Aufaigaluega a le Komisi sa faatupeina e le Lala o le Tulafono ma le Amiotonu.
2. Sa auai atu le Tamaitai Loia Sinia, Hai-Yuean Tualima e faamasani i galuega faatinoa a le Komisi o le Toefuataiga o Tulafono a New South Wales mai le aso 24 Setema – 5 Oletopa 2012. O se tasi lea o vaega o le Polokalame mo le Atinaeina o le Aufaigaluega a le Komisi sa faatupeina e le Lala o le Tulafono ma le Amiotonu.
3. Sa auai atu le Alii Loia Sinia Mauuluga, Houlton Faasau i le Polokalame Faamasani a le Lunivesite Aoao a Ausetalia sa usuia mo le 6 vaiaso, i Canberra, Ausetalia mai le aso 17 Setema – 26 Oketopa 2012. O leni polokalame sa faatupeina e le Lunivesite Aoao a Ausetalia (Australian National University).
4. O le Tamaitai Ofisa Sinia Mauuluga, Florita Tupai sa auai atu ma le Afioga i le Minista Lagolago o Faamasinoga, Taefu Lemi i se Asiasiga faale Minisita mo le Toe Fuataiga o le Faatinoga o Galuega a le Malo o Sigapoa mai le aso 2 – 11 Aukuso 2012. O leni

asiasiga sa faatupeina e le Matagaluega o le Va i Fafu ma Fefaatauaiga a Samoa ma le Malo o Sigapoa.

5. Sa auai atu le Tamaitai Pule Faatonu, Leilani Tuala-Warren ma Alii Loia Sinia Mauuluga ia Ulupale Fuimaono ma Houlton Faasau i le Fonotaga a Komisi mo le Toefuataiga o Tulafono a Ausetalia, lea na usuia i Canberra, Ausetalia, mai le aso 12 – 14 Setema 2012.
6. Sa auai atu le Alii Loia Sinia Mauuluga, Houlton Faasau i le Intellectual Heritage Convention ma Pacific Festival of Arts lea na usuia i Honiara, Atu Solomona, mai le aso 01 – 14 iulai 2012.
7. Sa maua mai se valaaulia a le Tamaitai Pule Faatonu, Leilani Tuala-Warren i le Faalapotopotoga a Tamaitai o Malo Afaatasi e auai atu i se Aoaoga e faatatau i le Faalauiloa ma le Faatautaiga o le Auai o Tamaitai i Faiga-Upufai o Malo, lea na usuia i Beijing Saina, mai le aso 29 – 30 Ianuari 2013.
8. Sa maua se valaaulia a le Tamaitai Pule Faatonu, Leilani Tuala-Warren e auai atu i le Fonotaga tele a Loia o le Lalolagi (World Indigenous Lawyers Conference), lea na usuia i Hamilton, Niu Sila, mai le aso 5 – 9 Setema 2012.
9. Sa auai atu le Tamaitai Loia Sinia, Kaisarina Salesa i se Faatalanoaga e faatatau i ni auala e toe iloilo ai Tulafono mo le Faailoga Tagata e faasaga i Tina ma Tamaitai (Sub-Regional Consultation on Strategies on Review and Progress on Violence Against Women Legislation) lea sa taitaia e le Vaega ua ta’ua o le Regional Rights Resource Team. Na faatautaia lea faatalanoaga i Nadi, Fiti, mai le aso 10 – 13 Iuni 2012.
10. Sa auai atu le Tamaitai Loia Sinia, Kaisarina Salesa i le Faatalanoaga a Loia o le Pasefika e faasino i Aia Tatau Faale Tagata Soifua i totonu o Faamasinoga (Annual Pacific Lawyers Consultation on Human Rights Law in the Courts), lea na usuia i Nadi, Fiti, mai le aso 29 Oketopa – 2 Novema, 2012. O lenei faatalanoaga sa faatupeina ma talimalo ai le Vaega ua ta’ua o le Regional Rights Resource Team (RRRT).
11. Sa auai atu le Alii Loia Sinia Mauuluga, Houlton Faasau i se Fonotaga a le Pasefika e faasino i le Puipua o Alo ma Fanau (Pacific Regional Child Protection Meeting), lea na usuia i Nadi, Fiti, mai le aso 3 – 6 Tesema 2012.

Aoaoga i totonu lava o Samoa

1. Sa auai atu le Alii Loia Sinia Mauuluga ia Ulupale Fuimaono i le Aoaoga mo le Pulea o Galuega tau Poloketi (Project Management Training) sa faatautaia ona o le Iagolago mai o le Malo o Ausetalia, Niu Sila ma Samoa i lalo o le Samoa In-Country Training Program, mai le aso 20 – 24 Me 2013.

2. Sa auai atu le Tamaitai Ofisa Sinia Maua luga ia Florita Tupai i le Aoaoga mo Fuafuaga mo le Aufaigaluega (Workforce Planning Training) sa faatautaia ona o le lagolago mai o le Malo o Ausetalia, Niu Sila ma Samoa i lalo o le Samoa In-Country Training Program, mai le aso 20 – 24 Me 2013.

TAGATA GALULUE OFO FUA

O nisi taimi, e ofo fua mai ai le taimi o nisi o loia mai fafo e galulue mo le Komisi. O le manulauti o leni faamoemoe e faalautele ma atinae ai le tomai o le aufaigaluega a le Komisi i galuega toe iloilo faapea le atinaeina o agavaa aemaise o le faafesoai o le malamalama ma le silafia i tulafono toe fuatai ma loia mai atunuu o leni itulagi. Sa talia foi e le Komisi nisi o tamaiti aoga faaloia mai nisi o lunivesite a le lalolagi ua ofo fua mai o latou taimi e galulue ai mo le Komisi. O loo ia i latou ni agavaa mo suesuega tau tulafono eseese toe fuatai ua mafai ai ona faamalosi ai le atinaeina o le aufaigaluega a le Komisi aemaise ua fesoasoani tele lea i le faatinoga o ana galuega fai.

E toalua ni tamaiti aoga faaloia ofo fua na faafaigaluega e le Komisi i totonu o lea piriota.

- O le tamaitai ia Su'e Tervola, o ia o se tamaitai aoga faaloia mai le lunivesite a Brigham Young i Utah, Amerika, lea na faigaluega i le Komisi mo le 6 vaiaso mai ia Me – Iuni 2012. Sa ia fesoasoani i le faatautaiga o suesuega mo le toe iloilo o Tulafono mo le Puipua o Alo ma Fanau.
- O le Tamaitai o Alicia Lees, o ia o se tamaitai aoga faaloia mai le lunivesite a New South Wales i Ausetalia sa faigaluega i le Komisi mo le 4 vaiaso mai ia Iuni - Iulai 2012.

O le Tamaitai Ausetalia ia Irini Agollari, sa ofo fua mai lona taimi e faigaluega ai i le Komisi mo le 6 masina mai ia Novema 2012 – Aperila 2013. Sa faigaluega o ia o se Tamaitai Loia i le Commonwealth Department of Industry, Innovation, Science, Research ma le Tertiary Education i totonu o Ausetalia.

LISI O FAASINOMAGA E OO ATU IA IUNI 2013

LIPOTI FAAIU UA TUUINA ATU I LE PALEMENE

1. Lipoti Faaiu mo le Toe Iloiloga o le Tulafono o Soligatulafono 1961
2. Lipoti Faaiu mo Le Laina Faava o Malo e Faatonutonu ai Aso
3. Lipoti Faaiu o le Fetuunaiga o Taimi i le Ao
4. Lipoti Faaiu mo le Toe Iloiloga o le Tulafono mo i latou e Suesueina Mafuaaga Lilo o Malu 1959
5. Lipoti Faaiu o le Iloiloga o le Tulafono o Fono a Nu'u 1990
6. Lipoti Faaiu o le Iloiloga o le Tulafono o Komisi Suesue 1964

LIPOTI FAAIU UA MA'EA

7. Lipoti Faaiu mo le Iloiloga o se Komiti e nafa ma le Puipuiga o Faasinomaga Faaleatunuu
8. Lipoti Faaiu mo le Iloiloga o le Tulafono mo le Puipuia o Alo ma Fanau
9. Lipoti Faaiu mo le Iloiloga o se Tulafono e Faatonutonu ai Galuega a le Afaasalalau
10. Lipoti Faaiu mo le Iloiloga o le Tulafono a Alii ma Tamaitai Loia 1976
11. Lipoti Faaiu mo le Iloiloga o le Tulafono o Faamasinoga 1961
12. Lipoti Faaiu mo le Iloiloga o le Tulafono o Taulumaga Tau Soligatulafono 1972
13. Lipoti Faaiu mo le Iloiloga o le Tulafono o Falepuipui 1967

LIPOTI FAAIU O LOO FAAGASOLO

14. Iloiloga o le Tulafono o Faamasinoga Faaitumalo 1969
15. Iloiloga o le Puipuiga o Tomai Faaleaganuu ma le Faaaliga o Tu ma Aganuu

PEPA O FAAMATALAGA O LOO FAAGASOLO

16. Lesitala mo le Au Solitulafono i Faiga Aiga
17. Tulafono Faatonutonu tau Faamasinoga (Tulafono Faaitumalo 1971 ma le Tulafono o Faamasinoga Maualuga 1980)
18. Iloiloga o le Ava Malosi

GALUEGA ILOILO O LOO FAAGASOLO

19. Tulafono o Faatulagaina o Tofi Faaminisita ma Matagaluega 2003.

20. Tulafono mo le Puipuia o Aia Tatau a Tagata Matutua
21. Feagaiga mo le Faamutaina o soo se Faailoga Tagata e faasaga i Tina ma Tamaitai
22. Feagaiga mo Aia Tatau ai latou e iai Manaoga Faapitoa